

« 12 » փետրվարի 2020թ.

N 2-6/2

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ա. Ալեքսանյանի կողմից 27.11.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ Երևան քաղաքի Վարդանանց փողոցի հ. 24 շենքի թիվ 4 տարածք և հ. 2 բնակարան հասցեներում մուտքի և ցուցափեղկի վերակառուցման և բնակարանը ոչ բնակելի տարածքի վերահաստակագծման համար 08.06.2018 թվականին տրված հ. 01/18-Հ-3280-612 շինարարության թույլտվությունը ՀՀ վարչական դատարանի 20.11.2019 թվականի թիվ ՎԴ/9576/05/19 որոշմամբ կասեցվել է, որի վերաբերյալ 22.11.2019 թվականի հ. 19/Գ-8461 գրությամբ կառուցապատող Ռուբեն Աշոտի Հովհաննիսյանին իրազեկելուց հետո կառուցապատող Ռուբեն Աշոտի Հովհաննիսյանի կողմից շինարարական աշխատանքները շարունակվել են, մասնավորապես՝ կատարվում են մուտքի և ցուցափեղկի վերակառուցման և աստիճանավանդակի կառուցման շինարարական աշխատանքներ, որի վերաբերյալ 27.11.2019 թվականին կազմվել է վարչական իրավախախտման վերաբերյալ թիվ 032909 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Ռուբեն Աշոտի Հովհաննիսյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Ռուբեն Աշոտի Հովհաննիսյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 27.11.2019 թվականին քաղաքացի Ռուբեն Աշոտի Հովհաննիսյանի նկատմամբ կազմված հ. 032909 արձանագրության հիման վրա հարուցված վարչական վարույթը 15.01.2020 թվականի վարչական իրավախախտման գործի վերաբերյալ հ. Վ-2/79 որոշմամբ կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Ռուբեն Աշոտի Հովհաննիսյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Ռուբեն Աշոտի Հովհաննիսյանին Երևանի քաղաքապետարանում 12.02.2020 թվականին կայանալիք նիստին ծանուցելու համար:

Համաձայն փոստի ստացման /հանձնման/ թիվ AG020048206AM և թիվ AG020048210AM ծանուցագրերի նամակները հանձնվել են:

Կառուցապատող Ռուբեն Աշոտի Հովհաննիսյանը 12.02.2020 թվականին ներկայացել է Երևանի քաղաքապետարան և մասնակցել վարչական իրավախախտման գործի փաստական հանգամանքների քննարկմանը, հետևաբար վերացել է վերը նշված վարչական վարույթի կասեցման հիմքերը:

Կառուցապատող Ռուբեն Աշոտի Հովհաննիսյանը (անձնագիր AS 0241849, տրված 22.06.2018 թվականին 010-ի կողմից) բացատրություն տվեց այն մասին, որ ընդունում է իրավախախտումը: Շինարարական աշխատանքները շարունակվել են դատարանի կողմից վարույթ ընդունվելու մասին որոշում կայացվելուց հետո:

Գործի քննության ընթացքում ուսումնասիրվեցին արձանագրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 22.11.2019 թվականի հ. 19/Գ-8461, 25.12.2019 թվականի հ. 19/118590 գրությունները, 08.06.2018 թվականին տրված հ. 01/18-Հ-3280-612 շինարարության թույլտվությունը, ՀՀ վարչական դատարանի 20.11.2019 թվականի թիվ ՎԴ/9576/05/19 որոշումը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ Երևան քաղաքի Վարդանանց փողոցի հ. 24 շենքի թիվ 4 տարածք և հ. 2 բնակարան հասցեներում մուտքի և ցուցափեղկի վերակառուցման և բնակարանը ոչ բնակելի տարածքի վերահաստակագծման համար 08.06.2018 թվականին տրված հ. 01/18-Հ-3280-612 շինարարության թույլտվությունը ՀՀ վարչական դատարանի 20.11.2019 թվականի թիվ ՎԴ/9576/05/19 որոշմամբ կասեցված է, որի վերաբերյալ կառուցապատող Ռուբեն Աշոտի Հովհաննիսյանին իրազեկվել է 22.11.2019 թվականի հ. 19/Գ-8461 գրությամբ, սակայն կառուցապատող Ռուբեն Աշոտի Հովհաննիսյանի կողմից շինարարական աշխատանքները

շարունակվել են, մասնավորապես՝ իրականացվել են մուտքի և ցուցափեղկի վերակառուցման և աստիճանավանդակի կառուցման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անգգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Հայաստանի Հանրապետության Վարչական դատավարության օրենսգրքի 83-րդ հոդվածի 1-ին մասի համաձայն՝ վիճարկման հայցի վարույթ ընդունելը կասեցնում է վիճարկվող վարչական ակտի կատարումը մինչև այդ գործով գործն ըստ էության լուծող դատական ակտի օրինական ուժի մեջ մտնելը (...):

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ս որոշմամբ (փոփոխ. 08.07.2015 թվականի թիվ 2104-Ս, 01.08.2017 թվականի թիվ 2645-Ս, 12.07.2018 թվականի թիվ 2516-Ս)՝

ՈՐՈՇԵՑԻ

1. Քաղաքացի Ռուբեն Աշոտի Հովհաննիսյանի նկատմամբ 15.01.2020 թվականի հ. Վ-2/79 որոշմամբ կասեցված վարչական վարույթը վերսկսել:

2. Կառուցապատող Ռուբեն Աշոտի Հովհաննիսյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանձապետարանի N 900015211239 հաշվին:

4. Սույն որոշումը կարող է բողոքարկվել վարչական և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ
ԳԼԽԱՎՈՐ ՄԱՍՆԱԳԵՏ՝



ՎԱՐՉԱԿԱՆ ԱՆԱՆՅԱՆ